

Ilanngussaqq D

Ilanngussaq 2, AIS 2024-p aappassaaneerreqarneranut atatillugu oqaasertaliussat aamma oqaasertaliussanut nassuiaatit allannguutissaattut siunnersuutit:

Aningaasaqarnermut Akileraartarnermullu Naalakkersuisoq - Suliassaqarfik 20
– 24

Nr. 53

Kontumut pingaarnermut, 20.30.07 Ineqarnermut tapersiissuteqartarnej, erniat akilersuutillu, ilanngaaseriikkat

Oqaasertaliussaq manna kukkunikkut AI2023-mi ilanngunneqarsimanngilaq. Oqaasertaliussat tullinnguuttut ilanngunniarneqarput.

”Nr. 2.

Niaqornani, Ukkusissani, Ikerasammi, Saattuni, Qaarsuni kiisalu Uummannami innuttaasunut, Karrat Kangerluanni qaqqamit sisoortoqarnissanut tassaarnersuaqarnissaanullu navianartorsiortunut imatut aalajangersaasoqarpoq.

Illumik piginnittup qinnuteqarnerani illumik, inissialiornermut, illunut ataatsimoorussanut, illuliassanut il.il. tapersiissuteqartarnej pillugu Inatsisartut peqqussutaat, 19. november 2007-imeersoq naapertorlugu piginnittup najugaqartussaataitaneranut piumasaqaammik saneqqutsinissamut Naalakkersuisut piginnaatinneqarput. Najugaqartussaataitanermut piumasaqaammik saneqqutsinissamut qinnuteqaat ukiumoortumik Naalakkersuisunut nassiunneqartassaaq.

Illumik, inissialiornermut, illunut ataatsimoorussanut, illuliassanut il.il. tapersiissuteqartarnej pillugu Inatsisartut peqqussutaat, 19. november 2007-imeersoq naapertorlugu taarsigassarsititsiviusimasumik piginnittup inissiamik attartortitsinissamik qinnuteqaataanut itigartitsinissamut Naalakkersuisut piginnaatinneqarput.

Inoqutigiiit illumiit nuussimappata aammalu illu attartortinneqanngippat, illumik piginnittup qinnuteqareerneratigut, inissialiornermut, illunut ataatsimoorussanut, illuliassanut il.il. tapersiissuteqartarnej pillugu Inatsisartut peqqussutaat, 19. november 2007-imeersoq naapertorlugu taarsigassarsiat akilersorneqarnerinik unitsitsigallarnissamut Naalakkersuisut piginnaatinneqarput. Taarsigassarsianik unitsitsigallarnissamut qinnuteqaat ukiumoortumik nassiunneqartassaaq.

Illumik piginnittup qinnuteqareerneratigut, illumik, illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi maleruagassat atuuttut naapertorlugit taarsigassarsiaqarfiusumik piginnittup najugaqartussaataitaneramik piumasaqaammik saneqqutsinissamut kommunalbestyrelsi piginnaatinneqarpoq. Najugaqartussaataitanermik saneqqutsinissamut piumasaqaammik saneqqutsinissamut qinnuteqaat ukiumoortumik Kommunalbestyrelsimut nassiunneqartassaaq.

Illumik piginnittup inissiamik, illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersoq naapertorlugu taarsigassarsititsiviusumik attartortitsiniarluni qinnuteqaataanut itigartitsinissamut Kommunalbestyrelsi piginnaatinneqarpoq.

Ilanngussaq 2, oqaasertaliussat kiisalu oqaasertaliussanut nassuiaatit

Kontumut pingaarnermut, 20.30.07 Ineqarnermut tapersiissuteqartarnek, erniat akilersuutillu, ilanngaaseriikkat, nassuiaatit

Oqaasertaliussat tullinnguuttut ilannguniarneqarput:

” Nr. 2.

Naalakkersuisut nunaqarfinni boligstøttimit taarsigassarsilluni illulianik, nammineerluni illulianik aamma illunik sanaqataaffiusunik sananissamut taarsigassarsititsisimapput. Boligstøttimit taarsigassarsilluni illulianut taarsigassarsiallit taarsigassarsiat erniaanut akilersuutinullu akiliisarput, nammineerlunilu illulianut taarsigassarsiat taarsigassarsiaapput erniaqanngitsut akilersugassaanningsullu, ukiuni 20-ni amerlaqatigiinnut agguarlugit ikilisikkiartuaarneqartartut, kiisalu ilassutitut taarsigassarsiat akilersorneqartussaallutik.

Kommunalbestyrelsi 2019-imili illunut sanaqataaffiusunut taarsigassarsititsisalerpoq. Taarsigassarsiat taakku ukiuni 20-ni aamerlaqatigiinnut agguarlugit ikilisikkiartuaarneqartussaapput.

Nunaqarfinni Niaqornani, Ukkusissani, Ikerasammi, Saattuni aamma Qaarsuni inoqutigiit tamarmik nunaqarfimminniit nuukkusukkunik sumiiffimmi allami inissiamut attartortittakkamut neqeroorummik tigusaqartussaapput. Tamanna aamma Uummannami innuttaasunut, inissiaq qarsutsiviusussamut titarniliussaq inorlugu inissisimappat atuutsinneqassaaq. Tassalu naatsorsuinermi tassaarnersuup maliinut ulorianartorsioritsiviusutut isigineqartumi.

Innuttaasut ilaannit oqaatigineqarpoq, inissiamut attartortittakkamut akuersinerminni inigisartik iperarniarnagu. Kingusinnerusukkut uterusulersinnaanissaminnut nalorninerat tamatumunnga tungavilersuutigineqarsinnaavoq. Illu najugartik iperassagunikku najugatoqqaminnut uterniarnerat ajornakusuulersinnaavoq.

Pissutsit immikkut illuinnarneranni innuttaasut arlallit, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugaqarmata, immikkut illuinnartumik taarsigassarsiat akiligassannortinngikkaluarlugit inissiani pisortanit taarsigassarsiaqarfiusuni najugaqartussaataitanermik atuinnginnissaq pillugu akuersinissamut Naalakkersuisut aamma Kommunalbestyrelsi periarfissinneqassapput. Najugaqartussaataitanermik atuinnginnissamut qinnuteqaat ukiumoortumik nassiunneqartassaaq.

Taarsigassarsianik utertitsinissap unitsikkallarnerani illumik piginnittoq inissiamik attartortitsinnaassanngitsaq, taamaalillunilu illumik attartortitsinermini aningaasanik isertitaqarsinnaassanngitsaq pillugu piumasaaqat ilanngunneqarpoq.

Inissiaq, pisortanit taarsigassarsiaqarfiusaq qarsutsiviusussamut titarniliussamiit qaffasinnerusumiippat, illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi maleruagassat atuuttut naapertorlugit illumik piginnittup inissiaq ukioq ataaseq tikillugu attartortissinnaavaa. Taamaalilluni illumik qarsutsiviusussamut titarniliussamiit qaffasinnerusumiittumik piginnittoq taarsigassarsianik unitsitsigallarnissamik qinnuteqartariaqassanngilaq, kisiannili inissiaq pigisani maleruagassat atuuttut naapertorlugit ukioq

Ilanngussaq 2, oqaasertaliussat kiisalu oqaasertaliussanut nassuiaatit

ataaseq tikillugu attartortissinnaalluni. Taamaalilluni illuutillit taakku ukiup ataatsip qaangiunnerani inissiamut uternissamut periarfissaqartinneqassapput.

Inissiaq qarsutsiviusussamut titarniliusaaq inorlugu inissisimappat, oqaasertaliusaaq manna aqputigalugu inissiap attartortinneqarnissaanut qinnuteqaammut Naalackersuisut Kommunalbestyrelsilu itigartitsinissamik periarfissinneqarput. Inissiap qarsutsiviusussamut titarniliusaaq inorlugu inissisimanagera, taamaalillunilu qaqqamik sisoortoqarnerani tassaarnersuarmut navianartorsiornera tamatumunnga tunngavilersuutigineqarpoq. Taamaattumik isumannaarlugu inissinneqarnissaa tunngavigalugu, inissiap attartortinneqarnissaa itigartitsissutigineqassammat.

Illunik piginnittut ukiumoortumik najugaqartussaataitanermik saneqqutsinissamut aamma taarsigassarsiat unitsikkallarneqarnissaannut qinnuteqaammik nassiussisussaapput. Taarsigassarsianut piumasaqaatit allat oqaasertaliusaaq manna aqputigalugu atorunnaarsinneqanngillat. Tassalu illuutillip ilaatigut sulii illu sillimmasersimasussaavaa aammalu illu aserfallatsaalineqartussaavoq. Taamaalilluni aamma illumik piginnittup inissiaq qimappagu, illu assersuutigalugu qerisoornissamut isumannaallisarneqarsimassaaq.

Aamma illunik, pisortanit taarsigassarsiaqarfiusunik piginnittut tamarmik maleruagassat atuuttut iluanni illuutiminnik Naalackersuisunut imaluunniit kommunalbestyrelsimut utertitsisinnaapput.

Taamaalillutik illunik, pisortanut taarsigassarsiaqarfiusunik piginnittut ataatsimut isigalugit nuunnerminnut atatillugu Namminersorlutik Oqartussanut kommunalbestyrelsimullu aningaasaqarnikkut pisussaaffimminnik iperaasinnaapput.

Oqaasertaliussami piginnaatitsissutip ukiuni arlalinni, immaqa ukiut tallimat tikillugit, atorfissaqarnissaa siunnerfigineqarpoq, taamaattumillu oqaasertaliusaaq ukiuni tullerni aningaasaliissutinut inatsisinut ilaatinneqartartussaavoq.

Oqaasertaliussat AI2023-mit ingerlateqqitaapput.”

Nr. 54

Kontomut pingaarnermut, 24.11.20 Akitsuutit, akiliilluni aallaaniarneq aalisarnerlu.

Piniarneq aallaaniarnerlu pillugit inatsisip nutaap malitsigisaanik konto pingaarneq manna allanngortinneqarpoq. Oqaasertaliussat peeqquneqarput tullinnguuttunillu taarserlugu:

Akuersissummut ataatsimut akiliut imatut
aalajangersarneqarpoq:

Umimmaat, uumasooq ataaseq 2.000 kr.

Tuttut, uumasooq ataaseq 1.000 kr.

Piniagassanut minnernut akuersissut, ullormut 200 kr.

Ilanngussaq 2, oqaasertaliussat kiisalu oqaasertaliussanut nassuiaatit

Piniagassanut minnernut akuersissut, sap. 1.000 kr.
akunneranut

Aalisarsinnaanermut, ullormut 75 kr.

Aalisarsinnaanermut, sap.akunneranut 200 kr.

Aalisarsinnaanermut, qaammammut 500 kr.

Kontomut pingaarnermut, 24.11.20 Akitsuutit, akiliilluni aallaaniarneq aalisarnerlu, nassuiaatit

Oqaasertaliussat tullinnguuttut ilannguteqquneqarput:

”Oqaasertaliussat Aalisarneq pillugu Inatsisartut inatsisaat nr. 18, 31. oktober 1996-imeersumi, § 8 imm. 3 aamma imm. 4, kingunerisaanik pinngorput, tassani aalajangerneqarpoq, akiliilluni aalisarnermut akiliutigineqartut aningaasanut inatsimmi aalajangersarneqassasut.

Oqaasertaliussat AI2023-misut ilusilittut aqqissuullugu ingerlateqqitaapput.”

Nr. 55

Peqqissutsimut Naalakkersuisoq – Suliassaqarfik 34

Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutit

Konto pingaarnermut matumunnga eqaannerusumik pilersaaruserneq kissaatigineqarpoq, taamaattumik oqaasertaliussat imaattut ilannguniarneqarput:

”Naalakkersuisut kontumi pingaarnermi matumani atuinikinnerussutinik atuinerrussutinilluunniit 1.500.000 kr.-t angullugit annertussusilinnik ukiumut aningaasanut inatsiseqarfiusumut tullermut nuussinissamut piginnaatinneqarput.

Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutit

Nassuiaatit tullinnguuttut ilannguniarneqarput:

Aningaasaliissutit peqqinnissaqarfimmi sulisut iliniaqqinnissaanut immikkullu ilinniagaqarnissaanut naapertuuttumik atorneqarnissaat qularnaarniarlugu Naalakkersuisut atuinikinnerussutinik atuinerrussutinilluunniit ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq. Pissutsit aqunneqarsinnaanngitsut (assersuutigalugu coronamik nunarsuaq tamakkerlugu nappaalaneq) kingunerisaanik massakkut ilinniakkat kinguartinneqarsinnaapput.

Ingerlaqqilluni immikkullu ilinniartitaanernut immikkoortitat AI 2024-mi kontomut pingaarnermiit 34.01.01 Peqqissutsimut Naalakkersuisoqarfimmiit kontomut pingaarnermut 34.12.02 Nunatsinni Peqqinnissakkut Ilinniartitaanikkullu suliniutinut nuunneqarput.

Oqaasertaliussaq nutajuvoq.”

Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 40

Nr. 56

Kontumut pingaarnermut, 40.91.31 Suliniutit aallaavigalugit tapiissutit

Akigititat akiinut iluarsiiisuteqarneq kukkuneqarpoq, taamaattumik konto pingaarnermut matumunnga oqaasertaliussaq peeqquneqarpoq imaattumillu taarserusunneqarluni:

"Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik Inatsisartut inatsisaatigut nr. 15, 12. juni 2019-imeersutigut allanngortinneqartoq naapertorlugit sap. akunneranut holdinut ataatsinut taxameterini akigitinneqartut tullinnguuttut makku aalajangersarneqarput:

Imarsiornermik Ilinniarfik

Tungaviumik ilinniagaq	36.000 kr.
Qalulerisoq	36.000 kr.
Piniartutut Aalisartutullu ilinniagaq	36.000 kr.
Angallatini naalakkatut ilinniagaq	36.000 kr.

Niuernermik Ilinniarfik, Nuuk

TNI tungaviumik/Niuernermik Ilinniarfinni Tungaviumik ilinniagaq	28.300 kr.
TNI Flex	28.300 kr.
TNI/Niuernermik Ilinniarfinni Tungaviumik ilinniagaq	30.900 kr.
TNI/Aningaasaqarneq	30.900 kr.
TNI-Immikkut ilinniakkat	30.900 kr.
AU IT/Qarasaasialerineq	36.000 kr.
AU Aningaasarsiornermut ilisimatusartoq	36.000 kr.
AU IHM/ Nunani tamalaani Niuerneq aamma Niuernermi tuniniaaneq	38.600 kr.
AU Aningaasaqarneq aamma pigisanik nalilinnik aqutsineq	38.600 kr.
AU Angallassineq aamma Pilersaaruserineq	38.600 kr.
AU Pisortat allaffissornerat	38.600 kr.

Ilanngussaq 2, oqaasertaliussat kiisalu oqaasertaliussanut nassuiaatit

AU Sulisunik Isumalluutit	38.600 kr.
AU IT-paasissutissiisarnermut teknologi (nikerartog)	38.600 kr.”
BA Aningaasaqarneq aamma pigisanik nalilinnik aqutsineq	43.800 kr.
BA Nunani tamalaani niuorneq aamma niuernermit tuniniaaneq	43.800 kr.
MerX	43.800 kr.
AU Aningaasat pillugit siunnersuisarnerit	54.000 kr.
Inatsisilerinermit sullissisoq	56.600 kr.

Inuussutissalerinermit Ilinniarfik, INUILI

Savaatilik	36.000 kr.
Pisiniarfik	36.000 kr.
Iffiortoq	36.000 kr.
Tungaviumik atuartitsineq	38.600 kr.
Mamartunik nerisassiorneq	38.600 kr.
Inuussutissalerinermit assistenti	38.600 kr.
FishTech-GL	38.600 kr.
Cafeemi/Kantiinami ikiorti	38.600 kr.
Atuarfimmit sulinermit misiliineq	38.600 kr.
Hotelimi/Takornariaqarnermit ikiorti	38.600 kr.
Teknikeri	43.800 kr.

Campus Kujalleq

TNI Tungaviumisooq	28.300 kr.
TNI Flex	28.300 kr.
Issittumi takornariartitsisartoq	33.400 kr.
TNI/Niuernermit Ilinniarfinni Tungaviumik ilinniaga	33.400 kr.

Ilanngussaq 2, oqaasertaliussat kiisalu oqaasertaliussanut nassuiaatit

Serviceøkonom	33.400 kr.
Ilinniarnertuunngorniarfik	36.000 kr.
Issittumi Misigisassarsiortunik angallassisartut	61.700 kr.
Peqqinnissakkut ilinniartitaanernut qitiusumik ilinniarfik	
Peqqinnissakkut sullissisoq	36.000 kr.
Peqqissaanermi ikiorti	38.600 kr.
Tapersersorti	43.800 kr.
KIgutileriffimmi assistenti	51.400 kr.
Peqqissaanermi assistenti	51.400 kr.
Portøri	55.000 kr.
Kigutigissaasoq	84.900 kr.
Teknikimik Ilinniarfik	
Atuarfimmi suliamik misiliineq	20.600 kr.
Atuarfimmi suliamik misiliineq/Assassorluni Periutsimillu sulineq	20.600 kr.
Atuarfimmit sulinermik misiliineq/Biilit aquuteralaaluu	20.600 kr.
Atuarfimmit sulinermik misiliineq El sakkortooq	23.100 kr.
Aquuteralannik mekanikeri	25.700 kr.
Biiliniq iluarsaasartooq	25.700 kr.
Motorilerisoq Umiarsuarmi	25.700 kr.
Innaallagiaoq sakkukitsoq Tunngaviusumik atuartitsineq	25.700 kr.
Innaallagiaoq sakkortooq Tunngaviusumik atuartitsineq	28.300 kr.
Tunngaviusumik atuartitsineq Qisulerisoq-Qalipaasoq-Ruujorilerisoq	28.300 kr.
Assartugalerisoq	kr. 30.900
Ruujorilerisoq	30.900 kr.
Qalipaasoq	30.900 kr.

Ilanngussaq 2, oqaasertaliussat kiisalu oqaasertaliussanut nassuiaatit

Sanasoq	30.900
Saffiooq	30.900 kr.
El-sakkortooq H	30.900 kr.
Sanaartornermi maskiinanik ingerlatsisoq	36.000 kr.
Qaarusummi sulisoq	36.000 kr.
Ilinniakkat sivikinnerusut	36.000 kr.
Ilinniarnertuunngorniarfik	38.600 kr.
Perorsaanermik Ilinniarfik	
Isumaginninnermi ikiorti	34.000 kr.
Ulluunerani neqerooruteqartartunut ikiorti	39.600 kr.
Isumaginninnermi ikiorti	43.500 kr.
Perorsaasunut ikiorti	44.700 kr.
Inunnik isumaginnittoq	48.000 kr."

Ineqarnermut Attaveqaasersuutinullu Naalakkersuisoq - Suliassaqarfik 70 - 72

Nr. 57

Kotomut pingaarnermut 72.10.19-mut Namminersorlutik Oqartussat ineqarnermut immikkoortorta qarfiinut immikkut ittumik tapiissutit

Oqaasertaliussat uku ilanngunniarneqarput:

“Naalakkersuisut 2023-mi inissianik attartortitsineq pillugu peqqussummi § 28, imm. 1 atunnginnissaanik pisussaaffilerneqarput, aamma kontumi pingaarnermi aningaasaliissutit Namminersorlutik Oqartussat ineqarnermut immikkoortorta qarfianut ataatsimut imaluunniit immikkoortorta qarfiinut arlalinnut, immikkoortorta qarfimmi aningasaqarnikkut ingerlatsinera oqimaaqatigiilersinniarlugu aningaasaliiffiginissaanut pisussaaffilerneqarput. Inatsisartut Aningaasaqarnermut Akileraartarnermullu Ataatsimiititaliaa pisussaaffiliineq pillugu ilisimatinneqarput.”

Kotomut pingaarnermut 72.10.19-mut Namminersorlutik Oqartussat ineqarnermut immikkoortorta qarfiinut immikkut ittumik tapiissutit pillugit nassuiaatit

Oqaasertaliussanut nassuiaatit ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

“Namminersorlutik Oqartussat ineqarfiutaanut aserfallatsaaliuineramik suliassanik kinguaattoorutininik angummannissamut akuerineqarnikumik pilersaarussiaqanngilaq. Ineqarnermut immikkoortorta qarfiit arlaqartut isertittagaat annikimmata ineqarnermut immikkoortorta qarfinni aningaasaqarnikkut oqimaaqatigiissinnaanngillat. Tamanna tunuliaqutigalugu utaqqiisaa aaqqiissutaagallartumik aningaasanik immikkoortitsisoqarpoq ineqarnermut immikkoortorta qarfinnut aningaasatigut ajornartorsiortunut immikkut ittumik tapiissutissatut. Naalakkersuisut aningaasaliissutinik nuussisinnaapput ineqarnermut immikkoortorta qarfiit ataasiakkaat aningaasaqarnerat oqimaaqatigiilersinniarlugit. Oqaasertaliussanut nassuiaat inissianik attartortitsineq pillugu peqqussummi § 28-mik atuutsitsinnginneruvoq, tassani aalajangerneqarpoq namminersorlutik oqartussat kommunillu inissiaataanni najugaqarfinni ilaqutariinnut arlalinnut inissiartaqartuni attartortitsinermi isertitat ingerlatsinermut atorneqartunut aningaasartuutitut tamanut matussusiisassasut.

Oqaasertaliussat AI2023-mit ingerlateqqitaapput.”

Nunalerinermut, Imminut Pilersornermut, Nukissiutitut Avatangiisinullu Naalakkersuisoq - Suliassaqarfik 73-77

Nr. 58.

Kontumut pingaarnermut 73.01.12 Utertitassanik qularnaveeqqusiisarnermik aaqqissuussineq

Oqaasertaliussat uku 1-20 ilanngunniarneqarput:

”Nr. 1.

Puunik eqqussuisup akitsuuteqartitsinermi puut akitsuutit pillugit Inatsisartut inatsisaanni § 1, imm. 1, nr. 6-imi taaneqartut najoqqutassiat il.il. akileraaruseriffimmit aalajangersarneqartut naapertorlugit nalunaarutigissavai. Tamatuma saniatigut akileraaruseriffiup nalunaaruteqarneq digitaliuissanersoq aalajangersinnaavaa.

Puunik eqqussukkanut akitsuutit pillugit Inatsisartut inatsisaanni § 1, imm. 1, nr. 6-imi taaneqartutut immiinermi, puut imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaat § 9, imm. 1 naapertorlugu akileraaruseriffimmut nalunaarutigineqassapput. Tamatuma saniatigut akileraaruseriffiup nalunaaruteqarneq digitaliuissanersoq aalajangersinnaavaa.

Nr. 2.

Eqqussukkanut akitsuutit pillugit Inatsisartut inatsisaanni § 1, imm. 1, nr. 6-imi taaneqartutut puunik eqqussuisup immiisulluunniit puumut ataatsimut qularnaveeqqut 2 kr. allaffissornermullu akiliut 60 øre akilissavai. Qularnaveeqqut allaffissornermullu akiliut akileraaruseriffimmut akilerneqassapput.

Nioqqutissianik eqqussuineq annissuinerlu pillugit Inatsisartut inatsisaanni §§ 22, 23, 25 26-imilu akitsuutit akilerneqartarnerat pillugu aalajangersakkat puut eqqussukkat qularnaveeqqusernissaannut aamma atuupput. Imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaat §§ 5, 6, 8 9-milu aalajangersakkat puunut immerneqartunut aamma atuupput.

Ilanngussaq 2, oqaasertaliussat kiisalu oqaasertaliussanut nassuiaatit

Qularnaveeqqutinik allaffissornermilu akiliutinik kingusinaarluni akiliinermi aningaasat akilerneqartussat Kalaallit Nunaanni eqqartuussiveqarneq pillugu inatsimmi malittarisassat malillugit pinngitsaaliinikkut akilersinneqarsinnaapput, imaluunniit pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni malittarisassat malillugit akilersinneqarsinnaallutik.

Nr. 3.

Puunut avammut anniseqqinneqartussanut qularnaveeqqutinik allaffissornermullu akiliutinik akiliisoqassanngilaq, tak. nioqqutissanik eqqussuineq annissuinerlu pillugit Namminersorlutik Oqartussat nalunaarutaanni nr. 24, 5. oktober 2016-imeersumi § 9, imm. 1 aamma 3. Puunut Danmarkimi sakkutuut angallataannut ukiumut qaammatit arfineq pingasut ataallugit Kalaallit Nunaanniittunut imaluunniit naalagaaffiit allat attaveqarneranni siunnersorteqarfiinit aallartitaannilluunniit atorneqartussatut tunineqartunut atorneqartunullu akiliisoqassanngilaq. Tamanna nioqqutissanik eqqussuineq annissuinerlu pillugit Namminersorlutik Oqartussat nalunaarutaanni nr. 24, 5. oktober 2016-imeersumi § 27 naapertorlugu nunat allat naalagaaffiisa angallataaniittunut qularnaveeqqutinik allaffissornermilu akiliutinut aamma atuuppoq.

Nr. 4.

Umiarsuit timmisartullu akitsuuteqarfiup avataanit tikikkaangata puunut nassarneqartunut aamma umiarsuup timmisartulluunniit akitsuuteqarfimmut akitsuuteqarfimmiilluunniit angalanerani maaniinneranilu atugassatut naatsorsuussanut, umiarsuup timmisartulluunniit inuttaasa ilaasullu amerlassusaat akitsuuteqarfimmiinnerullu sivilissusua mianeralugit nakkutilliinermi oqartussat naleqquttutut isumaqarpata qularnaveeqqutinik allaffissornermullu akiliutinik akiliisoqassanngilaq, tak. nioqqutissanik eqqussuineq annissuinerlu pillugit Namminersorlutik Oqartussat nalunaarutaanni nr. 24, 5. oktober 2016-imeersumi § 28 aamma § 29. Umiarsuaq timmisartorluunniit Kalaallit Nunaanni angalanernut atorneqaleraangat akitsuutinik akiliisussaanninneq atorunnaassaaq.

Akitsuutinik akiliisussaanninneq umiarsuakkut timmisartukkullu eqqussukkanut akitsuutit pillugit Inatsisartut inatsisaanni § 2, imm. 2-mi taaneqartunut atuutinngilaq.

Nr. 5.

Puunut Kalaallit Nunaannut tikinnermi angalasunit akitsuutinik akiliinani eqqunneqarsinnaasunut aamma timmisartumi ilaasut piunassutsimik akitsuusiinerat pillugu malittarisassat malillugit akitsuutinik akiliisimagaangata qularnaveeqqutinik allaffissornermilu akiliutinik akiliisoqassanngilaq.

Nr. 6.

Qularnaveeqqut allaffissornermullu akiliut puup akitsuuteqarfimmut eqqunnerani akiligassanngusaaq. Puunut Danmarkimit, Savalimmiunit nunaniilluunniit allanit eqqunneqartunut akitsuutip allaffissornermullu akiliutip akiligassanngornikup ulloq eqqorlugu akilerneqarfissaa kingulleq tassaavoq, nioqqutissap tiguisumut tunniunneqarfia. Puunut Danmarkimit umiarsuarmik eqqunneqartunut akitsuutip allaffissornermullu akiliutip ulloq eqqorlugu akilerneqarfissaa kingulleq tassaavoq, nioqqutissap tiguisumut tunniunneqarfia.

Qularnaveeqqut allaffissornermullu akiliut nioqqutissanik eqqussuineq annissuinerlu pillugit Inatsisaanni § 7, imm. 3 aamma 4 malillugit puunut eqqunneqartunut ataasiartumik akuersissuteqartoqannginnerani akilerneqassapput.

Ilanngussaq 2, oqaasertaliussat kiisalu oqaasertaliussanut nassuiaatit

Puunut immerneqartunut qularnaveeqqutip allaffissornermullu akiliutip ulloq eqqorlugu akilernerqarfissaa kingulleq tassaavoq piffissap akitsuuteqarfiusup kingorna qaammatip ullua siulleq, tak. imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaanni §§ 5 aamma 10, imm. 1. Pooq suliffeqarfimmi puumik immiiffiusumi tunineqarpat atorneqarpalluunniit pooq immerneqareerpat atugassanngortutut isigineqassaaq.

Nr. 7.

Inuussutissarsiornermi nassiussat Danmarkimit, Savalimmiunit nunanilluunniit allanit umiarsuarmik eqqunneqartut pillugit akileraaruseriffiup qinnuteqaateqartoqarneratigut inuussutissarsiornermi suliffeqarfiup Kalaallit Nunaanniittup akiliinissaanut piffissarititaq nr. 6-imi taaneqartoq sivitsorsinnaavaa. Akileraaruseriffiup aamma akuersissut taamaallaat nassiussanut akuersissummi normulernerqarsimasunut atuutissasoq aalajangersinnaavaa. Nioqqutissanik eqqussuineq annissuinerlu pilugit nalunaarummi nr. 24, 5. oktober 2016-imeersumi § 24-p imm. 2-6-imi aalajangersakkat aamma atuupput.

Nr. 8.

Qularnaveeqqutip allaffissornermullu akiliutip 500 kr.-t sinnerpagit, nioqqutissamut qularnaveeqqut qinnuteqartoqarnerat imatut pisoqarnerani utertillugu akilernerqarsinnaavoq:

- 1) assartuisumit paarineqarnerani tammartutut ajortittulluunniit nalunaarutigineqarpat,
- 2) inuussutissarsiortumit paarineqarnerani ajortippat imaluunniit inunnit suliffeqarfinniilluunniit ingerlatsinerlut attuumassuteqanngitsunit tillinneqarpat,
- 3) inuussutissarsiortumit paarineqarnerani nakkutigineqartumik aserorterneqarpat,
- 4) inuussutissarsiornermi tuniseqqinnermut atatillugu Danmarkimut, Savalimmiunit nunanilluunniit allanut anninneqarpat,
- 5) inuussutissarsiortup inunnut suliffeqarfinnulluunniit illersorneqarfimmi Pituffimmi aalajangersimasumik uninngasunut najugaqartumulluunniit tuneqqippagu,
- 6) nioqqutissap inunnit eqqunneqartup amigaateqarnera kukkuneqarneraluunniit pissutigalugit akitsuuteqarfimmit utertinneqarpat,
- 7) tunisisoq kukkusumik akileraaruserneqarpat nioqqutissamillu tiguisup nioqqutissap tunniunneqarneranut atatillugu nakkutilliinermit oqartussanut takutissimappagu,
- 8) qularnaveeqqut kukkusumik naatsorsorneqarpat, imaluunniit
- 9) pooq tunineqarfissaata kingulliup piffissarititalluunniit tassunga assingusup qaangerneqarnerata kingorna nioqqutissap atuisunut tuniniaqqusaajunnaarneranik kinguneqartumik aallartillugu akuiarneqartoq imeruersaammik ethanolimik akoqartumik immerneqarpat

Nr. 9.

Qularnaveeqqutip allaffissornermullu akiliutip utertinneqarnissaannik qinnuteqarnermi, akileraaruseriffiup immersugassaa atorneqassaaq. Qinnuteqaat akitsuutinut uppenarsaat, akiligassiissut nassiussinermullu uppenarsaat aamma tammarnernut, ajoquserneranut, anniseqqinneranut il.il. uppenarsaataasinnaasut ilanngullugit akileraaruseriffimmut nassiunneqassaaq. Akileraaruseriffik qinnuteqaatip ilanngussai digitalinngorlugit nassiunneqarnissaanut aamma aalajangersaasinnaavoq.

Nr. 10.

Ilanngussaq 2, oqaasertaliussat kiisalu oqaasertaliussanut nassuiaatit

Akileraaruseriffiup qularnaveeqqutit allaffissornermullu akiliutit qaammatip siuliani akilerneqartut ESANI A/S-imut, CVR40351655, kingusinnerpaamik qaammami tulliuttumi ulloq 20 nuussavai.

Nr. 11.

Akileraaruseriffik puunik eqqunneqartunik anninneqartunillu aamma puunik immerneqartussatut naatsorsuussanik qularnaveeqqutinik allaffissornermilu akiliutinik akilerneqartussanik nakkutilliisinnaavoq, takuuk oqaasertaliussami nr. 2. Nioqqutissianik eqqussuineq annissuinerlu pillugit Inatsisartut inatsisaanni §§ 27-32 aamma nioqqutissianik eqqussuineq annissuinerlu pillugit nalunaarummi nr. 24, 5. oktober 2016-imeersumi §§ 44-49 nakkutilliineq pillugu aalajangersakkat aamma atuupput.

Nr. 12.

Akileraaruserinermik ingerlatsineq pillugu Inatsisartut inatsisaanni §§ 57-59-imi aamma §§ 61-66-imi aalajangersakkat aamma atuupput.

Nr. 13.

Akileraaruseriffiup ESANI A/S, CVR40351655, qularnaveeqqutinit allaffissornermullu akiliutinit suliffeqarfiup isertitaanik, akiliutaanik naatsorsuutinillu allattuineranik nakkutilliinermut pingaaruteqartunik tamanik paasissutisseeqqusinnaavaa.

Nr. 14.

ESANI A/S-ip akileraaruseriffik puut eqqussukkat qularnaveeqquserneqartut, qularnaveeqqutit allaffissornermullu akiliutit akilerneqartut pillugit, aamma puut immerneqartut pillugit nioqqutissanillu tiguisut il.il. pillugit akileraaruseriffik paasissutissiinissaanik qinnuivigisinnaavaa.

Nr. 15.

Nr. 1-14-imi aalajangersakkanik tassunga ilanngullugit inatsisini allani aalajangersakkanik utertitassanik qularnaveeqqusiisarnermi atorneqartunik unioqqutitsineq pillaammik akiliisitsinermik kinguneqarsinnaavoq. Akiliutissap annertussuserneqarnerani aningaasatigut iluaqutigineqartut iluaquteqarnissamilluunniit siunertaqarneq isiginiarneqassapput. Unioqqutitsinerup annertussusia aamma pingaartinneqassaaq.

Taamatuttaaq piaraaluni mianersuaalliorujussuarluniluunniit puunik qularnaveeqqutinik allaffissornermullu akiliutinik akilerneqartussanik tunisisoq allatulluunniit tunniussisoq, pisisoq allatulluunniit pissarsisoq, assartuisoq uninngatitsisorluunniit pineqaatissinneqassaaq.

Oqaasertaliussaq manna naapertorlugu pineqaatissiinerit puup qularnaveeqqutaanik allaffissornermullu akiliutinik akiliisussaataitanerup atorunnaarneqarneranik kinguneqanngillat.

Nr. 1-14-imi aalajangersakkanik, tassunga ilanngullugit inatsisini allani utertitassanut qularnaveeqqusiinermi atorneqartunik, unioqqutitsinermi inatsisitigut pisinnaatitaasoq Kalaallit Nunaanni pinerluttulerineq pillugu inatsimmi kapitali 5-imi malittarisassat malillugit pillaammik akiliisinneqarsinnaavoq.

Oqaasertaliussaq manna naapertorlugu pillaammik akiliutit Nunap Karsianut akilerneqassapput.

Nr. 16.

Ilanngussaq 2, oqaasertaliussat kiisalu oqaasertaliussanut nassuiaatit

Naalakkersuisut Kalaallit Nunaanni tamarmi atuuttussamik puunik utertitsisarnermik pilersitsineq pillugu ESANI A/S-imut, CVR40351655, isumaqatigiissusiussapput. Aaqquissuussinermi ESANI A/S-ip imeruersaatit puunik qularnaveeqquserneqartunik allaffissornermullu akiliuteqartinneqartunik, nr. 1 aamma 2 naapertorlugit, tigusisarnissaq, katersisarnissaq aallertarnissarlu qulakkeerneqassaaq. Isumaqatigiissut ukiunut arlalinnut atuuttussanngorlugu isumaqatigiissutigineqarsinnaavoq.

ESANI A/S-ip utertitanut maskiinat containerillu, pisiniarfinnit pigineqanngitsut tamanillu orminneqarsinnaasuniittut, pisariaqartumik eqqiartassavai aserfallatsaaliorlugillu.

ESANI A/S-ip puut tiguneqartut, katersorneqartut aaneqartulluunniit isumagissavai puullu atoqqittussanngorlugit tunineqarnissaat qulakkeerlugu.

ESANI A/S-ip kommunit immikkoortumi nakkutilliinissaat siunertaralugu puut utertinneqartartut pillugit paasissutissat suliamut attuumassuteqartut tamaasa kommuninut paarlaasseqatigiissutigisassavai.

Nr. 17.

ESANI A/S-ip, CVR40351655, pooq qularnaveeqquserneqartoq tiguneqartumut ataatsimut inuussutissarsiortunut puunik tuniniaasunut 2 kr. allaffissornermullu taarsiissut 10 øre akilertassavai. Pilersuisoq A/S-imut, CVR16607398, akiliut pooq qularnaveeqquserneqartoq tiguneqartumut ataatsimut qularnaveeqqut 2 kr.-mik passussinermullu taarsiut 30 ørimik annertussuseqarpoq. Akiliineq kingusinnerpaamik ESANI A/S-ip puunik tigusinerata kingorna qaammat tulliuuttumi ulluinaq kingullermi pisassaaq. Passussinermut taarsiutip inuussutissarsiortut puunik qularnaveeqqusikkanik passussineranni aningaasartuutaannut matussutaavoq.

Nr. 18.

Puunik qularnaveeqquserneqartunik tuniniaasut tamarmik, puunik qularnaveeqquserneqartunik tunisinermi allatulluunniit tunniussinermi puumut ataatsimut 2 kr. akilersittassavaat.

Nr. 19.

Puunik qularnaveeqquserneqartunik tuniniaasut tamarmik puut qularnaveeqquserneqartut imaqqanngitsut utertinneqartut tigusassavai. Tuniniaasoq puumik imaqqanngitsumik tigusinermi puumik ataatsimik qularnaveeqqusikkamik utertitsisumut 2 kr.-t utertillugit akiliisassaaq.

Nr. 20.

ESANI A/S puunik utertitsisarnermik ingerlatsinermi isertitani aningaasartuutinilu pillugit kukkunersiuisumik akuerineqartumik nammineq naatsorsuusiortassaaq. Aningaasartuuni ingerlatseqatigiiffiup sunilluunniit aalajangersimasumik allanngorartunillu aningaasartuutai suliasap ingerlanneranut atasut tamarmik pineqarput. Amigartoorutaasinnaasut ukiuni kingusinnerusuni sinneqartoorutinit ilanngaatigineqartassapput. Puunik utertitsisarnermik ingerlatsinermi sinneqartoorutit procentinngorlugit 10 %-it qaangissanngilai. Naatsorsuutit kingusinnerpaamik ingerlatsineqatigiiffiup ukiumoortumik nalunaarusiaa ilanngullugu saqqummiunneqassapput.

Puunik utertitsisarnermik ingerlatsinermi sinneqartoorutit procentiat qulaani taaneqartoq sinnerlugu sinneqartoorutaasinnaasut nunap karsianut akilerneqassapput aammalu Akileraartarnermut Aqutsisoqarfiup akilerneqassallutik.”

Ilanngussaq 2, oqaasertaliussat kiisalu oqaasertaliussanut nassuiaatit

Konto pingaarnermut 73.01.12 Utertittassanik qularnaveeqquisiisarnermik aaqqissuussinermut nassuiaatit

Oqaasertaliussanut nr. 1-20-mut nassuiaatit ilanngunniarneqarput:

”Nr. 1-20-mut.

2022-mi ukiakkut ataatsimiinnermi Inatsisartut puut pillugit nalunaarut allanngortinneqassasoq aalajangiipput, taamaalilluni immiaaqqat imeruersaatillu suulluunniit puullit utertittisarnermik aaqqissuussinermut ilaatillugit tuniniarneqarsinnaassammata. Puut nutaat pinngortitamut iginneqannginnissaat qulakkeerniarlugu Kalaallit Nunaanni puunik utertittisarnermik aaqqissuussineq nutaaq pilersinneqassaaq.

Siunertaq tassaavoq:

- Nuna tamakkerlugu periutsumik piffissaq sivisooq ullumikkumut sanilliullugu puut assigiinngitsut amerlanerit ilanngunneqarnissaannik periarfissiilluni qulakkeerniarlugu Kalaallit Nunaanni puunik atuinerup attassinnaanerata pitsanngortinnissaa. Assersuutigalugu piffissap ingerlanerani utertittisarnermut viinnit puui ilanngunneqarsinnaassapput.
- Atuisunut imeruersaatit assigiinngitsut amerlisinniarlugit
- Aaqqissuussap aningaasalersorneranut naleqquttumik akiliuteqartitsinissaaq.

Nuuk Imeq A/S-ip 1. januar 2024 matunissaanik piginnittut nalunaaruteqarnerisa kingorna, puunik utertittisarnermik aaqqissuussineq annertunerujussuanngorpoq. Tamatumunnga pissutaavoq puut Nuuk Imeq A/S-imit passunneqartartut utertittisarnermik aaqqissuussinermi nutaami passunneqartarnissaat naatsorsuutigineqarpoq. Puaasaaqqat immeqqittussanngorlugit Kalaallit Nunaanni utertittisarnermik maannakkut aaqqissuussineq nutaamik akuersissuteqarani ullumikkutut ingerlaannarsinnaavoq.

Utertittisarnermik aaqqissuussinermi uku suliassaapput:

- Qularnaveeqqummik allaffissornermullu akiliummik akiliisitsisarneq aamma qularnaveeqqutinik passussinermullu taarsiissummik akiliineq
- Utertittisarnermi maskiinanik pilersitsineq
- Puunik imaqaanngitsunik pisiniarfinni passussisarneq
- Nakkutilliineq misissuisarnerlu

Utertittassanik qularnaveeqquisiisarnermik aaqqissuussinermi suliaq pingaarnertut ima tungaveqassaaq:

- Akileraartarnermut Aqutsisoqarfiup pisiniarfiit ESANI A/S sinnerlugu qularnaveeqqummik akiliisittassavai, nioqqutissanimmi tigusisut ataasiakkaat puunik eqqussineq nalunaarutigisarmassuk.
- Inuussutissarsiortut eqqussuinerimi akitsuutit pillugit Inatsisartut inatsisaanni § 1, imm. 1, nr. 6-imi taaneqartutut puunik immiisut qularnaveeqqut allaffissornermullu akiliut Akileraartarnermut Aqutsisoqarfimmut nalunaarutigissavaat akilerlugulu.
- Akileraartarnermut Aqutsisoqarfimmut nalunaaruteqarnermi aamma inuussutissarsiortut stregkode suna atornerqarneris ESANI A/S-imut nalunaarutigissavaat, tamatumalu kingorna stregkode taanna qularnaveeqquisiisarnermik aaqqissuussinermi nutaami nutarterneqassaaq. Nutarterinerimi tassani atuisup pooq pineqartoq qularnaveeqquisiisarnermut maskiinanamut

Ilanngussaq 2, oqaasertaliussat kiisalu oqaasertaliussanut nassuiaatit

tunniunerani akilersissinnaavaa. Stregkodikkut taamaallaat puut eqquissorneranni tunisassiornermiluunniit qularnaveeqqutillit akilerneqarnissaat qulakkeerneqassaaq.

- Akileraartarnermut Aqutsisoqarfiup akiliutit ESANI A/S-imut nuussavai. Akiliut puumut ataatsimut 2 kr. 60 øriuvoq. 2 kronit taakku qularnaveeqqummoorput, 60 ørillu puunik utertitsisarnermik aaqqissuussinermik ingerlatsinermi aningaasartuutitut matussutaallutik.
- ESANI A/S-ip qularnaveeqqutit 2 kr. inuussutissarsiortup qularnaveeqqutit ESANI A/S-imut imaluunniit Pilersuisoq A/S-imut akilerneqarnissaat piareereerpagit inuussutissarsiortumut utertillugit akilissavai.
- ESANI-p tamatuma saniatigut passussinermut taarsiut 10-30 øre inuussutissarsiortup qularnaveeqqusigassamik ataatsimik passussinera taarsiiviginiarlugu puut amerlassusai aallaavigalugit inuussutissarsiortumut akilissavai. Pilersuisoq A/S puumut ataatsimut qaffasinnerusumik taarsiiffigineqartassaaq. Pilersuisoq A/S-ip sumiiffinni ingerlatsivimmini puut qularnaveeqqusikkat imaqaangitsut passutissavai. Pilersuisoq A/S-ip nunaqarfinni puut imaqaangitsut nammineq passutissavai. ESANI-p puut illoqarfinnit nunaqarfinniillu aasassavai, taakkulu atoqqinneqarnissaat siunertarlugu assartorneqarnissaat qulakkeerlugu.

Qularnaveeqqut atuisup puut imaareernerisa kingorna puunik utertitsinissaanik qulakkeerinnaq.

Allaffissornermut akiliummi utertitsisarnermik aaqqissuussinerup aningaasalersorneqarnissaa qulakkeerneqassaaq. Allaffissornermut akiliut akitsuutaanngilaq.

Allaffissornermut akiliut aaqqissuussinermik ingerlatsinermut aningaasartuutitik matussusiissaaq, sinneqartoorutissaanani. ESANI A/S missingiivoq, utertitsisarnermik ingerlatsinermi pooq ataaseq 60 ørinik akeqassasoq. 60 ørikkut puut puunik passussivimmit ESANI-mut assartorneranni, ESANI-mi allaffissornermi aningaasartuutit, inuussutissarsiortullu utertitsisarnermik aaqqissuussinermi peqataanerannut passussinermut taarsiutit 10-30 øre matussuserneqassapput. Allaffissornermut akiliut pisariaqarpat aaqqinneqarnissaa siunertaavoq. KNI-Pilersuisoq avinngarusimasuni assartugassanik piareersaarnermut aaqqiissutit ilaani peqataassamat, taakkununga taarsiut puumut ataatsimut 30 øre isumaqataassutaavoq.

Pisinarfiit qularnaveeqqummik akiliisitsinissaq atuisumullu akiliinissaq akisussaaffigissavai. Imerusaatit puut pillugit nalunaarummi ilaasut nioqqutissamat qularnaveeqqut allaffissornermilu akiliut nalunaarutigineqanngippata tuniniaqquusaassanngillat.

Pisinarfiit puut imaqaangitsut nammineq passunnissaannik imaluunniit puunik utertitsinermi maskiinanut aningaasaliinissamik periarfissaqassapput.

Nammineq passussineq tassaassaaq puussiat atorlugit aaqqiineq, tassani piniafiit puut qularnaveeqqutaat akilerneqarniut katersortassavaat, puullu puussianut siunertamat tunisassianut immikkut ittunut ikisarlugit. Pooq ulikkaarpat stripsimik matuneqassaaq aammalu pisiniarfimmu pineqartumut normumik immikkut naqinneqarnikumik parnaarlugu naqissuserneqassalluni. Tamatuma kingorna pisiniarfiup pooq ESANI A/S-ip sumiiffimmi suleqataanut tunniutissavaa qularnaveeqqummillu akilerneqarluni. ESANI A/S-ip suleqataata pooq uninngatissavaa immaqalu puunik passussivimmut nassiussinissap tungaanut imaa suliareqqillugu. Tassani puussiami puut kisinneqassapput, qularnaveeqqullu siusinnerusukkut akilerneqarnikoq aaqqinneqarluni. Tamatuma kinguneraa qularnaveeqquisiisarnermik aaqqissuussinerup atuutilersinneqarnissaa, naak sumiiffimmi pineqartumi puunik passussivik pilersinneqanngikkaluortoq imaluunnit ESANI A/S piffissap sivikitsup iluani puunik aallersinnaalluni. Tamatuma kinguneraa sumiiffiit sikusartut piffissami

Ilanngussaq 2, oqaasertaliussat kiisalu oqaasertaliussanut nassuiaatit

sivisuumi qularnaveeqqusiisarnermik aaqqissuussinermi peqataasinnaassasut, 2024-milu ukiup affaani siullermi puunik passussivimmik pilersitsisoqarsimannginneranik killilerneqarnatik.

Puut aamma tigummiartakkamik naqiterummik naqinneqarsinnaassapput, taamaalilluni puut pisiniarfiit quersuini pisariaqanngitsumik initoqutaassanngimmata. Puut naqinneqarnikut tamatuma kingorna oqimaassusaat malillugu ESANI A/S-imit akilerneqarsinnaassapput. Aaqqiissummi tassani uninngatitsiviit atorneqartut annikillisinneqarsinnaapput. Puut aamma naqinneqarnikut assartorneqarnunik inikinnerussapput.

Inuussutissarsiortut aamma stregkodemik atuaasinnaasunik utertitsinermi maskiinanut aningaasaliinissaq toqqarsinnaavaat. Pisiniarfiit tamatuma kingorna qularnaveeqqutit akilerneqartut ESANI-mit utertillugit akilersissinnaavaat. Naatsorsuutigineqarpoq utertitsinermi maskiinat nutaanerit atorneqarsinnaassasut, kisianni sumiiffinni arlalinni utertitsinermi maskiinanik taarsiinissamik aamma pisariaqartitsisoqarsinnaavoq.

Inuussutissarsiortut puujutiminnik tunniussinissaat taperserniarlugu illoqarfinni arlalinni puunik passussivinnut aningaasaliisoqassasoq aalajangerneqarpoq. Passussivinni taakkunani puut normui atuarneqarsinnaassapput aserorterlugillu, taamaalillutik assartoruminarneruniassammata. Tasiilami, Ummannami, Upernavimmi, Ilulissani, Aasianni, Sisimiuni, Qaqortumi Nuummilu maskiinanik 2023-mi pilersaarut aallaavigalugu maannakkut pisiortortoqarpoq. Puunik passussiviit inissinnissaat Pilersuisoq aamma ESANI A/S qanimut suleqatigalugit inissinneqassapput.

Nunarput ataatsimut isigalugu utertitsitassat qularnaveeqqusernarnerannik aaqqiissut ataatsimut taperserneqarsinnaassaaq.

Kommunalbestyrelsi maannakkut puut pillugit nalunaarut malillugu nalunaarummi malittarisassat eqqortinneqarnerannik nakkutilliissaaq. Tamanna ingerlaannassaaq.

ESANI A/S-ip puunik qularnaveeqqusikkanik periutsimik ingerlatsineranik nakkutilliinermut tunngatillugu, Nunalerinermut, Imminut Pilersornermut, Nukissiuutinut Avatangiisinullu Naalackersuisoqarfik ESANI A/S-imit isumaqatigiissusiorpoq, tassani naalackersuisoqarfiup ESANI A/S-ip naatsorsuutaanik pissarsisinnaassalluni. ESANI A/S tamatuma saniatigut aaqqissuussinermi utertinneqartut procentii ingerlaavartumik naatsorsortassavai, taamaalilluni puut avatangiisini illersorneqarnissaasumik passunneqartarnissaat utertitsisarnermik aaqqissuussinermi aamma taperserneqassalluni. Naatsorsuutigineqarpoq piffissami aallarnisarfiusumi utertinneqartut procentii appasinnerussasut, kisianni ukiut arlaqanngitsut qaangiuppata utertinneqartut 90 procentinngussasut ilimagineqarpoq.

Utertitsisarnermik aaqqissuussineq pilersinneqarpat aallartinneqarlunilu piffissamik ikaarsaariarfeqartoqassaaq, tassani pisiniarfiit 1. januar 2024-mit tuniniaanissamut piareersimasunik imeruusaatinik uninngatitaqarniarlutik 2023-p naanerani imeruusaatit nammineq aalajangikkanik puullit eqquossorinnaallugit. Nioqqutissianut taakkununga qularnaveeqqutit allaffissornermullu akiliutit akilersinneqassanngillat, tassa utertitsisarnermik aaqqissuussinerup atuutilernissaa sioqqullugu eqqunneqassammata.

Aalajangerneqarpoq taamatut pisoqariaannaanera akuerineqassasoq aamma ”annaasallu” ukiuni aggersuni aaqqiinermik kinguneqarsinnaapput.

Ilanngussaq 2, oqaasertaliussat kiisalu oqaasertaliussanut nassuiaatit

Illuatungaani aamma naatsorsuutaavoq, atuisut periutsumut nutaamut sungiussinissaat sivisussasoq. Taamaammat ilimagineqarsinnaavoq puut qularnaveeqqusikkat utertitsinermi maskiinanut utertinnagit eqqaavimmut iginneqarsassasut. Naalackersuisut atuisut puunik qularnaveeqqusikkanik utertitsinissamut periarfissaqarnerannik ingerlaavartumik paasititsiniaanissaq qulakkiissavaat.

Ilimagineqartariaqarpoq imeruersaatiniq qularnaveeqqusikkanik tuniniaasut arlallit utertitsinermi maskiinanik nutaanik pisinermut aningaasaliissasut.

Atuisut naatsorsuutigisinnaavaat imeruersaatiniq assigiinngitsunik amerlanernik toqqagassaqarsinnaassallutik, ilimagineqarporlu imeruersaat akiisa qaffasissusiat ullumikkutut annertussuseqassasoq.

Missingerneqarpoq puut 2024-mit 4 millioniussasut, tamatumalu kingunerissavaa utertitsisarnermut aaqquissuussinermik ingerlatsinermi aningaasaqarneq tamarmiusoq ukiumut 40 mio. kr.-t missaannik kinguneqassasoq, ilimagineqarluni taakkunannga 7 mio. kr.-t passussinermut taarsiissutiniq akiliinikkut inuussutissarsiortunut utertinneqassasut. Peqatigitillugu eqqussuinermi eqqussukkamut ataatsimut qularnaveeqqut 2 kr. akilersinneqartassasoq, tamatumalu kinguneraa qularnaveeqqusiinermi aningaasaqarnerup 80 mio. kr.-unissaanik ilimagisaqarneq.

Ilimagineqarpoq puunut akitsuutinit isertitat tamarmiusut qaffassasut. Qaffannerup ilarujussuani Nuuk Imeq A/S-imik piginnittut suliffeqarfiup matunissaanik aalajangernerannut atavoq. Ilimagineqarpoq isertinneqartut amerleriaataat tamarmiusut puunut akitsuutit puumut ataatsimut 60 øremik appassasut. Ilimagineqarpoq sinnera akileraartarnermik aaqquissusseqqinnikkut innuttaasunut utertinneqassasut.

Oqaasertaliussani nr. 1-15-imi akileraaruseriffiup imeruersaatit puuinut qularnaveeqqutiniq akiliisitsisarnissaanut inatsisilerinermi sinaakkusiisoqarnissaa ataatsimut siunertaavoq. Akiliisitsisarneq ESANI A/S puunik utertitsisarnermik aaqquissuussinermut akisussaasoq sinnerlugu pisassaaq. ESANI A/S-ip suliassai il.il. oqaasertaliussani nr. 16-20 ilaapput.

Oqaasertaliussani nr. 1-15 nioqqutissanik eqqussuisarneq annissuisarnerlu pillugit Inatsisartut inatsisaanni, eqqussukkanut akitsuutit pillugit Inatsisartut inatsisaanni, akileraaruserinermik ingerlatsineq pillugu Inatsisartut inatsisaanni, imeruersaatinut Kalaallit Nunaanni immiorneqartunut akitsuutit pillugit Inatsisartut inatsisaanni aamma nioqqutissanik eqqussuineq annissinerlu pillugit nalunaarummi nr. 24, 5. oktober 2016-meersumi malittarisassat annertuumik tunngaviupput.

Taamaaliornikkut nioqqutissat taakku puuinut akitsuutit pillugit malittarisassat assinginik immikkoortuni pingaaruteqartuni tamani puunut pineqartunut qularnaveeqqutiniq akiliisitsisarnermut allaffissornermi nakkutilliinermilu periuseqartoqalissaaq. Taamaaliornikkut allaffissornerup pisariillissarnissaa akileraaruseriffimmilu sulisut qularnaveeqqutiniq akiliisarnermik nutaamik suliaqartussat sulinermi tunngavinnik ilisimasaqarnissaat qulakkeerneqassapput, nioqqutissanillu tiguisut il.il. ataatsimut isigalugit periutsumik ilisimasaqalissallutik. Akitsuutit pillugit inatsisini malittarisassanut innersuussinerup kinguneraa, qanoq paasineqarnissaannik apeqqutaasinnaasut, malittarisassanut nioqqutissanik eqqussuineranut annissuinernullu il.il. malittarisassanut tunngatillugu apeqqutit assingisut nalilersorneqartassapput.

Tamatuma ilaatigut kinguneraa, nioqqutissanik tiguisut taakkuluunniit sinniisui peqatigalugit akitsuutit allaffissornermullu akiliutit naatsorsorneqarnissaannut puut qularnaveeqquserneqartut

Ilanngussaq 2, oqaasertaliussat kiisalu oqaasertaliussanut nassuiaatit

amerlasussaannik, akitsuutinik il.il. nalunaaruteqartassasut. Akileraaruseriffiup aamma qularnaveeqqutit allaffissornermullu akiliutit pillugit malittarisassat eqqortinneqarnerat nakkutigissavaa, aqutsisoqarfillu aamma akitsuutsinik nakkutilliissalluni. Taamaalilluni nakkutilliinermut malittarisassat akitsuutinut atuuttut qularnaveeqqutinullu atuuttussat pisariaqarfiatigut assigiittassapput.

Akileraaruseriffiup qularnaveeqqutinik allaffissornermullu akiliutinik akiliisitsineq il.il. sulianik aalajangiineri Akileraartarnermut Siunnersuisoqatigiinnut suliassanngortinneqarsinnaassanngillat, tassa suliat taamaattut akileraartarneq pillugu inatsisinut attuumassuteqanngimmata. Taarsiullugu maalaarutaasinnaasut Aningaasaqarnermut Akileraartarnermullu Naalackersuisoqarfimmut pingaarnertut oqartussaasumut nassiunneqartassapput. Suliami qularnaveeqqutit, allaffissornermullu akiliutit eqqussukkanullu akitsuutit pineqarpata, marlunnik maalaaruteqartoqassaaq; ataaseq Akileraartarnermut Siunnersuisoqatigiinnut ataaserlu Aningaasaqarnermut Akileraartarnermullu Naalackersuisoqarfimmut. Taamatut pisoqarnerani Aningaasaqarnermut Akileraartarnermullu Naalackersuisoqarfik pissutsit malillugit Akileraartarnermut Siunnersuisoqatigiit aalajangiinissaasa tungaanut maalaarummik suliaqarnissaq kinguartittariaqarsinnaavaa, taamaalilluni Naalackersuisoqarfiup siunnersuisoqatigiit aalajangiinissaat sioqqutissanagu.

Puunik aaqqissuussineq taassumalu aaqqissugaanera aamma puut pillugit nalunaarutip qanoq paasineqarnissaanik maalaarutit Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmit sularineqartassapput.

Akileraaruseriffiup qularnaveeqqusiiisarnermik aaqqissuussinermut atatillugu suliassai pingaarnertit tassaapput, puunik qularnaveeqquserneqartunik nalunaarutinik tigusinissaq, eqqussukkanik aamma puunik qularnaveeqqusikkanik immikkanik allaffissornermullu akiliutinik nakkutilliineq, qularnaveeqqutinik allaffissornermullu akiliutinik akilernerqartunik tigusineq aamma qularnaveeqqutinik allaffissornermullu akiliutinik ESANI A/S-imut nuussinissaq.

Nioqqutissanik tigusisup qularnaveeqqutinik allaffissornermullu akiliutinik akiliinnginnerata kinguneranik amigartoorutaasinnaasut ESANI A/S-ip amigartoorutigissavai akileraaruseriffiullu susassarinagit. Akileraaruseriffilli akiitsuusinnaasunik, akiliisitsiniartarneq akiitsuullu pinaveersaarnissaat pillugit Inatsisartut inatsisaanni aamma Kalaallit Nunaanni eqqartuussisarneq pillugu inatsimmi malittarisassat malillugit akiliisitsiniarnissamik pinngitsaaliissummillu akiliisitsinissamik piginnaatitaaffeqarpoq.

Akileraaruseriffiup naatsorsuusiordermi puut qularnaveeqqusikkat allaffissornermullu akiliutit suut nalunaaruteqatigineqarnersut aamma qularnaveeqqutit allaffissornermullu akiliutit suut akilernerqarnersut aamma qularnaveeqqutit allaffissornermullu akiliutit suut ESANI A/S-imut akilernerqarnersut nassuiarsinnaassavai. Pasissutissat taakku qinnuiginnittoqarneratigut ESANI A/S-imut paarlaasseqatigiissutigineqarsinnaapput.

Nr. 16-20-mut oqaasertaliussani siunertaavoq, Kalaallit Nunaanni Namminersorlutik Oqartussat aamma ESANI A/S-ip akornanni pissutsit, ESANI A/S-ip qularnaveeqqusikkanik utertitsisarnermik aaqqissuussinermik inuussutissarsiortunullu pissutsinut akisussaasutut suliassaasa malittarisassiornissaat.

Ilanngussaq 2, oqaasertaliussat kiisalu oqaasertaliussanut nassuiaatit

Puunik aamma qularnaveeqqusikkanik tunisinermi tunniussinermulluunniit inuussutissarsiortut akiliisitsisussaanerat aamma taakku puunik qularnaveeqqusikkanik tiguisussaataitanerat malittarisassiorneqarput.

Oqaasertaliussat nutaajupput.”

Nr. 59.

Kontumut pingaarnermut, 73.04.08 Nunaqarfinni isorliunerusunilu imminut pilersorneq

Kiffartuussinissamut isumaqatigiissutit isumaqatigiissutigineriniit ukiumi ataatsimi atuutissapput. Tapiissutisisut taamaattumik pinngitsooratik ukiumi kiffartuussinissamik isumaqatigiissuteqarfiusumi tapiissutinik piviusunngortitsissanngillat. Aningaasat nuunneqartut aningaasaliissutit 30%-anut pinngitsoornagu killilerneqarsinnaanngillat. Kontumut pingaarnermut matumunnga oqaasertaliussat nr. 3 peerniarneqarput tullinnguuttunillu taarserlugit:

”Nr. 3

Konto pingaarnermi matumani atuinikinnerusimanerup ukiumut aningaasanut inatsiseqarfiusup tullianut nuussinissamut Naalakkersuisut piginnaatinneqassapput.”